

Velika tura Libanom

SA ROBERTOM DACEŠINOM

- BEJRUT - TIR - SIDON - JEITA - HARISA - BIBLOS -
- BALBEK - ANJAR - TRIPOLI -



POLUPANSION

SVI IZLETI
UKLUČENI
U CIJENU

Ove jeseni vas vodimo u jednu od najmanjih i najljepših zemalja Bliskog istoka, bogate kulture i istorije, spoja tradicionalnog i modernog. Sa Robertom upoznajemo Bejrut, „Pariz Bliskog istoka“ i radimo izlete u najinteresantnija mjesta...

Čekaju nas bogat noćni život i dobro poznata libanska kuhinja...

SIDON BEIRUT
BAALBEK TIR
HARISA
ANJAR TRIPOLI
BYBLOS JEITA

02-09.10.2023.

1180€

AVIONOM
IZ BEOGRADA
ILI ZAGREBA

KOSMOPOLITSKI GRAD
ANTIČKE GRAĐEVINE
KULTURNA RAZNOLIKOST
ARHEOLOŠKA NALAZIŠTA
ARAPSKE DELICIJE
UNESCO-VA BAŠTINA

Zajedno smo kreirali turu na način da pored standardnih turističkih lokacija, obilazimo i manja mjesta ove divne zemlje, družimo se sa lokalcima, degustiramo domaće specijalitete, vozimo se lokalnim prevozom i mnogo toga još, kako bismo na što bolji način upoznali njihovu kulturu i sve ono što oni predstavljaju.

KAKAV NAM JE PLAN? ŠTA SVE RADIMO I OBILAZIMO?

02.10.

DAN 1 POLAZIMO NA PUT

Sastanak grupe na aerodromu Nikola Tesla najkasnije dva sata prije predviđenog polijetanja aviona. Prijava na let i polijetanje za Istanbul na liniji TK01084 Turkish Airlinesa u 20.10h, uz predviđen dolazak u Istanbul u 22.55h. Nastavak leta za Bejrut u 00.45h te predviđeno slijetanje u 02.35h po lokalnom vremenu. Nakon obavljenih carinskih formalnosti čeka nas organizovan transfer do hotela u Bejrutu. Prijavljujemo se u hotel.

03.10.

DAN 2 ISTRAŽUJEMO BEJRUT

Prvo jutro boravka očekuje nas kasni doručak nakon kog se, uz pratnju lokalog vodiča, upućujemo u razgled Bejruta – libanske prestonice, koji je ujedno i najnaseljeniji grad u zemlji. Pariz Bliskog Istoka, kako ga često nazivaju, grad je kosmopolitske atmosfere i bogatog kulturnog života, spoj istoka i zapada u kojem se miješaju hrišćanstvo i islam. Ovaj grad, u prošlosti gotovo potpuno razoren tokom građanskog rata, podijeljen na muslimanski i hrišćanski dio, danas je ponovno ujedinjen.

Krećemo razgled najpoznatijom shopping ulicom Bejruta, Hamra, gdje inače ovih dana boravka možemo kupiti suvenire svih vrsta, kao i najnovije modne marke te pronaći razne restorane, sjesti na tradicionalnu arapsku kafu i nargilu.

Razgled nastavljamo prema Karniši, legendarnoj Bejrutskoj promenadi dugoj gotovo 5 kilometara, na kojoj se nalaze najluksuzniji hoteli i brojni restorani i noćni klubovi. Vidjećemo stari hotel Holiday Inn – simbol razaranja u Građanskom ratu, koji i danas stoji kao podsjetnik na prošlost. U blizini se nalazi i St. Georges Hotel, nekad najraskošniji i najpoznatiji hotel u Bejrutu, koji je ugostio mnogobrojne Hollywoodske zvijezde. Laganom šetnjom uz Karnišu, idemo do ruševina Bejrutskog Suka – modernog Shopping centra koji se nalazi na mjestu gdje su prije rata bili mnogobrojni sukovi u tradicionalnom arapskom stilu. Obilazimo i ruševine rimskih termi – tu su i Zgrada vlade Grand Serail – trg Place de l'Étoile, moderno obnovljeni centar Bejruta – Saborna Crkva Sv. Đorđa – Maronitska Crkva Svetog Jurja – Plava džamija Mohamed Al Amin – Trg mučenika, centralni gradski trg koji se nalazi u centru tzv. „Zelene linije”.

Vrijeme za ručak i odmor. Navečer odlazimo u neki od mnogobrojnih klubova ili uživamo u fantastičnoj libanskoj kuhinji u nekom od lokalnih restorana.

04.10.

DAN 3 ANTIČKE LJEPOTE LIBANA, TIR I SIDON

Danas smo na jugu Libana, idemo prema izraelskoj granici. Razgled antičkih Sidona i Tira, smještenih na mediteranskoj obali. Prvo odlazimo u Tir, grad koji je UNESCO proglasio svjetskom kulturnom baštinom zbog svoje historijske važnosti. Posjećujemo ruševine starog dijela grada, koji je u svojim pohodima potpuno razorio Aleksandar Makedonski. Ruševine se sastoje od tri dijela: južnog, koji sadrži stari feničanski grad – ostrvo, sjevernu stranu (kolonade, javna kupatila, ulicu prepunu mozaika i pravougaonu arenu) koju ćemo vidjeti panoramski te dio koji gleda prema unutrašnjosti, a u kom se nalaze najimpresivniji arheološki ostaci kao što su Rimska nekropola i hipodrom.

Na putu prema Sidonu, trećem najvećem gradu Libana, pravimo pauzu za ručak u nekom od lokalnih restorana gdje upijamo svu gostoljubivost i autentičnost mjesta.

Nekada lučki grad Saida, danas Sidon, smješten usred gustih šumaraka citrusa i banana, bio je bogat i cvjetajući feničanski grad, s uskim trgovačkim vezama s drevnim Egiptom i globalno poznatom staklarskom industrijom. Razgledamo tzv. „Morski Dvorac,, šetamo poznatim sukovima Sidona gdje ćemo vidjeti Pravoslavnu crkvu te Karavan Saraj, prolazimo pokraj Muzeja Sapuna i ostaje nam slobodno vrijeme za uživanje u autentičnosti. Na kraju dana vraćamo se u Bejrut i idemo u noćni provod.

05.10.

DAN 4 ZAŠTIĆENI GRADOVI

Odlazimo busom prema jednoj od najljepših podzemnih pećina na svijetu, Jeita, koja se proteže u dužini od gotovo devet kilometara, a sastoji se od dva dijela za posjetioce: u gornji dio se dolazi žičarom i obilazi pješice, dok se donji dio posjećuje čamcem.

Nakon obilaska Jeite nastavljamo do Harisse, univerzalnog hrama religija u Libanu i najvažnijeg mjesta za vjerske hodočasnike. Ako nam vremenske prilike budu dopustile, slijedi spektakularan 10 minutni spust žičarom sa planine u grad Jounieh gdje nastavljamo autobusom. Žičara prolazi iznad samog grada te pruža magičan pogled na grad i zaliv. Nastavljamo sa vožnjom prema čuvenom Biblosu, gradu starom 7000 godina i jednom od najstarijih svjetskih gradova koji se smatraju konstantno naseljenima, koji je UNESCO uvrstio na popis svjetske kulturne baštine. Po dolasku idemo kroz staru ribarsku luku, prema staroj tvrđavi.

Po završetku razgleda uz pomoć lokalnog vodiča, preostalo slobodno vrijeme provešćemo u poznatom Suku u Biblosu, gdje možemo kupiti suvenire. Odmaramo uz ručak i pravimo plan za još jednu noć u gradu koji rijetko kada spava.

06.10.

DAN 5 RIMSKE RUŠEVINE

Odlazimo prema sirijskoj granici preko planine Liban u dolinu Bekaa, prema Anjaru, jedinstvenom utvrđenom gradu izgrađenom u VIII vijeku. Izgradio ga je damaški kalif iz dinastije Omejida al-Valid Ibn Abdel Malek, a mjesto je poznato kao Pustinjska palata. Smješten na staroj ruti koja povezuje Bekau sa Damaskom, Anjar je izgrađen u blizini drevnog uporišta zvanog Gerrah. Danas se ime Gerrah zadržalo u riječi Anjar što znači izvor Gerrah (Ain Gerrah). Obilazimo arheološki lokalitet sa kojeg se pruža prekrasan pogled na planinu Liban.

Nastavljamo prema gradu Balbeku, poznatom još i kao Grad Sunca, prepoznatljivom po izvrsno sačuvanim ruševinama rimskih hramova (Jupitera, Venere i Bakusa), tada rimskog grada Heliopolisa, jednog od tadašnjih najbitnijih svetišta velikog Carstva. Prije obilaska samog lokaliteta idemo do obližnjeg kamenoloma, gdje je vađen kamen za izradu monumentalnih hramova. Zanimljivo je da niko ne zna na koji način su stari narodi kamenje tolikog obima prenijeli na sam lokalitet. Balbek je upisan na UNESCO-vu listu mjesta svjetske baštine još 1984. godine, a nekad je smatran i jednim od čuda antičkog svijeta. Po završetku razgleda Balbeka, idemo u jedan od lokalnih restorana gdje ćemo imati ručak. Probaćemo lokalni specijalitet Sfiha, koji u originalnom obliku možete naći samo u okolici Baalbeka.

07.10.

DAN 6 UŽIVAMO NA MEDITERANSKOJ OBALI

Vozimo se do 85km udaljenog Tripolija, najvećeg grada u sjevernom Libanu i drugog po veličini grada u zemlji. Zajedno otkrivamo zanemarene i zaboravljene dragulje Starog grada Tripolija. Mnoge crkve podsjećaju na istoriju grada, a takođe pokazuju raznolikost hrišćana u Libanu, a posebno u Tripoliju. Tu su i mnoge džamije, tvrđava Raymond de Saint-Gilles na vrhu brda u Tripoliju... Od zanimljivosti izdvajamo staru tržnicu „Souk“ gdje se prodaju sve vrste vintage, kulinarskih i komercijalnih proizvoda, fabriku sapuna od maslinovog ulja Khan Al Saboun i Qasr el Helou, tradicionalnu arapsku prodavnicu slatkiša osnovanu 1881. godine u vlasništvu porodice Hallab, čija je visoka reputacija poznata u cijeloj zemlji.

Prije povratka u Beirut, odlazimo u Batroun, glavnu turističku destinaciju u Sjevernom Libanu. Krase ga brojne rimokatoličke i grčke pravoslavne crkve, stabla agruma koja ga okružuju, kao i bogat noćni život. Za kraj razgleda osvježićemo se limunadom i ručati u nekom od lokalnih restorana na glavnoj ulici uživajući u pogledu.

08.10.

DAN 7 TRADICIJA I LUKSUZ BEJRUTA

U poslijepodnevним časovima odlazimo taksijem ili laganom šetnjom do četvrti Mar Mikhaël ili ulice Gemmayzeh u kojima se nalaze mnogobrojni restorani, ulična umjetnost, centar Bejrutskog noćnog života, ili povratak na uvijek živu ulicu Hamru.

Druženje prije povratka kući uz tipičnu libanonsku večeru u jednom od brojnih nacionalnih restorana u gradu.

09.10.
DAN 8 POVRATAK KUĆI

Odjavljujemo se iz hotela i upućujemo prema aerodromu na let za Istanbul u 15.35h. Dolazak u Istanbul predviđen je u 17.35h, a prijava na let za Beograd u 18.40h po lokalnom vremenu. Predviđeno slijetanje u Beograd je u 19.20h. Puni utisaka i opijeni čarima Bliskog Istoka već planiramo naredno putovanje.



Kada se ide?

TERMIN PUTOVANJA
02.10. - 09.10.2023.
7 NOĆENJA
8 DANA

Letimo sa?

Turkish Airlines
let je iz Beograda sa
presjedanjem u
Istanbulu

Cijena aranžmana?

1180€
+
AERODROMSKE
TAKSE 230€

Gdje smo smješteni?

HOTEL
☆☆☆☆
sa uključenim doručkom

SVIĐA TI SE PLAN I HOĆEŠ DA PUTUJEŠ SA NAMA?

Pošalji svoje podatke na email adresu info@zepterpassport.com uz skeniranu prvu stranicu pasoša, kako bismo te stavili na listu zainteresovanih putnika, ili nas možeš pozvati na broj telefona +387 65 693 000 za sva dodatna pitanja.

ŠTA JE UKLJUČENO U CIJENU?

- Prevoz avionom kompanije Turkish Airlines, prema programu
- Transfere autobusom aerodrom – hotel – aerodrom
- Sve prevoze autobusom lokalnog prevoznika prema programu
- 1 komad predatog prtljaga do 23 kg i 1 komad ručnog prtljaga koji možete sa sobom ponijeti u putničku kabinu do 8 kg, dimenzija 55x40x20cm
- 7 noćenja na bazi doručka u hotelu 4* u Bejrutu
- Razgled Bejruta
- Izlet Tir – Sidon
- Izlet Jeita – Harissa – Byblos
- Izlet Baalbek – Anjar
- Izlet Tripoli - Batroun
- Ulaznica za arheološki lokalitet u Tiru
- Ulaznica za arheološki lokalitet (Morska tvrđava) u Sidonu
- Ulaznica za pećinu Jeita
- Ulaznica za krstašku tvrđavu u u Biblosu
- Karta za vožnju žičarom/uspinjačom u Harisi
- Ulaznica za arheološki lokalitet u Anjaru
- Ulaznica za arheološki lokalitet u Balbeku
- Pratioc putovanja tokom cijelog putovanja
- Lokalni vodič na engleskom jeziku uz prevod od strane našeg pratioca/sve informacije od strane našeg pratioca
- Svi razgledi prema programu
- Ručak za svaki dan programa
- Degustacija vina
- Troškovi organizacije i realizacije putovanja

ŠTA NIJE UKLJUČENO U CIJENU?

- Aerodromske takse 230 € / podložne promjeni (konačni iznos potvrđuje se na dan izdavanja avio karte)
- Doplata za jednokrevetnu sobu – 260eur
- Ulaznice za lokalitete i objekte koji se posjećuju, a nisu navedeni u cijeni aranžmana
- Obroci koji nisu uključeni u cijenu
- Viza za Liban 90eur, za nosioce BiH pasoša. Prijave za putovanje moguće je uraditi najkasnije 30 dana prije polaska na putovanje zbog potrebe ishođenja vize (agencija asistira kod ishođenja vize)
- Osnovne napojnice – (uobičajene i očekivane napojnice od strane vozača, lokalnih vodiča, nosača prtljaga – koje pratilac putovanja za vas plaća na licu mjesta) – obavezna doplata 30 dolara
- Putničko zdravstveno osiguranje. Polisu osiguranja možete kupiti u agenciji prilikom rezervacije putovanja.

VAŽNE NAPOMENE

- Rezervacija putovanja je moguća isključivo uplatom avansa u iznosu 280eur. Usmena rezervacija putovanja nije moguća. Ostatak je potrebno uplatiti do 01.09.2023. (moguća uplata u ratama do navedenog datuma).
- Uplatom akontacije putnik potvrđuje da je pročitao i prihvatio Program putovanja, Ugovor o putovanju i Opšte uslove putovanja.
- Kalkulacija je rađena na bazi minimum 20 putnika. U slučaju manjeg broja prijavljenih putnika agencija zadržava pravo promjene cijene putovanja, otkaza ili promjene programa putovanja.
- Putnici na ovom putovanju obavezni su imati biometrijski pasoš sa datumom važenja minimum 6 mjeseci od planiranog dana povratka sa putovanja.
- Ulazak u Liban nije dozvoljen nosiocima pasoša u kojoj se nalazi viza ili pečat države Izrael.
- Vremena polazaka aviona u programu navedena su prema redu letenja i podložna su promjeni.
- Završno pismo vam dostavljamo mailom 48 sati prije putovanja – to je završni dokument potreban za putovanje (sadrži informacije o tačnom vremenu polaska (leta), kontakt pratioca putovanja).
- Raspored obilazaka svih lokacija i objekata navedenih u programu ili od strane agencije predloženih opcionalno tj. fakultativno je podložan promjenama prema procjeni pratioca a ovise o radnim vremenima pojedinih lokacija ili objekata o trenutnoj raspoloživosti pružaoca usluga na terenu te o vremenskim prilikama.
- Organizator nije odgovoran za povećanje cijena ulaznica i izleta navedenih u programu na dan formiranja programa.
- Agencija ne snosi odgovornost za eventualne drugačije usmene informacije o programu putovanja.

Program 1 - objavljen 10.05.2023.

organizator ZEPTER PASSPORT